



Fracturas palestinas

Description



Para Israel, o **“factor Barghouti”** e o impulso de Hamas constitúen dous problemas de gran magnitude, tendo en conta que este país está nas vésperas dun proceso electoral. Na transición post-Arafat, a clase política israelí apostou por Abbas e a **“xovella garda”** por consideralos máis moderados e manexables. Pero se a ruptura se materializa na ANP e Barghouti comeza a constituírse nun líder con amplas opcións políticas, o seu mantemento en prisión podería exercer un efecto contradictorio.
(Foto: Cartel de Marwan Barghouti correspondiente a la campaña das pasadas eleccións palestinas del 9 de enero de 2005).

Todo apunta á hora do relevo dentro da Autoridade Nacional Palestina. Ao menos, isto é o que reflicte a fractura interna no gobernante partido Al Fatah e no inevitable ascenso electoral do partido islamita Hamas. As noticias de Gaza, Cisjordania e Israel auguran momentos de mudanzas, rupturas e complexidades para unha poboación atezada pola presión israelí e a ineficacia dos seus dirixentes.

En Palestina obsérvanse múltiples variacións destes cambios que están a experimentar. Dunha banda, o ascenso político da **“nova garda”** xeracional, personificada en Marwan Barghouti, manifesta unha definitiva escisión en Al Fatah e a ANP. Barghouti, preso en Israel por **“instigación ao terrorismo”**, imprime un natural liderado dentro dun grupo de forte carácter nacionalista, herdeiro das **“Intifadas”** de 1987 e 2000, aos que se lles engade a presenza de importantes líderes palestinos da catalogada **“xovella garda”**, descontentos coa dirixencia actual na ANP.

Esta loita xeracional augurábase inevitable e comezou a dinamizarse trala Intifada do 2000 e a morte de Yasir Arafat, a finais do 2004. O cada vez maior descontento popular coa elite tradicional da Autoridade Palestina, principalmente persoas como Mahmoud Abbas e Ahmed Qorei, imprime incerteza á transición post-Arafat. Neste sentido, as presións provocan un dilema para o presidente Abbas de cara ás eleccións lexislativas do 25 de xaneiro: por unha banda, ameaza con retrasar os comicios; por outra, calcula acudir á convocatoria electoral, co risco de que Al Fatah perda a súa histórica hexemonía política en mans do islamita Hamas e as novas xeracións.

A escisión do grupo de Barghouti e a probable creación dun novo partido amplía a complexa estrutura política palestina e complica o funcionamento interno de Al Fatah. En diversos municipios, suspendéronse as eleccións internas de candidatos ás lexislativas, evidenciando a loita interna entre grupos de poder, clans e líderes rexionais. Todo isto limita a marxe de acción de Abbas e afonda a crise na ANP, especialmente trala renuncia do primeiro ministro Ahmed Qorei.

Dende o exterior, as noticias contribúen a radicalizar o panorama: as autoridades israelís anunciaron o peche das circunscripcións electorais en Xerusalén oriental, onde votan 250.000 palestinos, advertindo que non permitirían unha vitoria lexislativa de Hamas. O Congreso de EEUU aprobou unha resolución na que avoga por impedir o concurso electoral de Hamas mentres a Unión Europea pediu a este partido que «renuncie á violencia e recoñeza o Estado israelí». En Tel Aviv, Washington e Bruxelas, así como na ANP, temen unha deriva radical e islamita da política palestina, baixo o control lexislativo dun movemento acusado de terrorismo.

Por razóns directas e indirectas, o principal beneficiario desta situación é o propio Hamas. O seu voceiro, así como os de outros dez partidos palestinos, declararon que non aceptarían un retraso dos comicios lexislativos por parte de Abbas, a cúpula de Al Fatah e a ANP. O estelar momento de Hamas ven referendado polas recentes eleccións municipais en tres cidades de Cisjordania, onde logrou o control absoluto en Xenín e Naplús, aínda que en Ramala, Al Fatah logrou manter a súa hexemonía grazas a unha alianza de última hora coa Fronte Popular para a Liberación de Palestina.

Tamén para Israel, o «factor Barghouti» e o impulso de Hamas constitúen dous problemas de gran magnitude, tendo en conta que este país está nas vésperas dun proceso electoral. Na transición post-Arafat, a clase política israelí apostou por Abbas e a «vella garda» por consideralos máis moderados e manexables. Pero se a ruptura se materializa na ANP e Barghouti comeza a constituírse nun líder con amplas opcións políticas, o seu mantemento en prisión podería exercer un efecto contraditorio.

En canto a Hamas, e segundo as derradeiras enquisas en Israel, un 50% das persoas considera necesaria a apertura de negociacións de paz con este movemento sempre e cando permita alcanzar o fin da violencia. Sen embargo, un 47% rexeita esta posibilidade, xa que acusa a Hamas de ser o responsable dos atentados terroristas en territorio israelí. Polo tanto, non existe consenso e os temores de que este partido islamita e antiisraelí domine o parlamento palestino, seguramente será un tema clave na campaña electoral, principalmente entre os seus tres candidatos: Ariel Sharon, Binyamín Netanyahu e Amir Peretz. As eleccións israelís están marcadas pola escisión de Sharon do partido Likud e os seus problemas de saúde.

Tanto Abbas como Sharon poden manifestar a súa sintonía política e os seus temores no relativo ao ascenso de Hamas. Pero o actual panorama pode estar formulando a creación dunha conxuntura clave na convulsionada transición post-Arafat. En Palestina albíscase unha especie de «fin de época».

[Acceso ao artigo orixinal no repositorio web 1998-2012](#)

APARTADOSTEMATICOXEOGRAFICOS

Oriente Medio ARQUIVO

IDIOMA

Galego

Date Created

Decembro 24, 2005

Meta Fields

Autoria : 3713

Datapublicacion : 2005-12-24 00:00:00